



Ministry of Civil Affairs

Broj: 04-07-7-2271-EB/19
Sarajevo, 20.11.2019. god.

Na osnovu člana 61. stav (2) Zakona o upravi („Službeni glasnik BiH“, br. 32/02, 102/09 i 72/17) i zaključka Vijeća ministara Bosne i Hercegovine donesen na vanrednoj sjednici održanoj 15.10.2019. godine, broj: 05-07-1-2130-11/19 od 15.10.2019. godine, ministar civilnih poslova Bosne i Hercegovine donio je

ODLUKU
o politici nulte tolerancije prema djelima seksualnog uznemiravanja
i uznemiravanja na osnovu spola

Član 1.
(Predmet Odluke)

- (1) Ovom odlukom se utvrđuje da će Ministarstvo civilnih poslova Bosne i Hercegovine provoditi politiku nulte tolerancije prema djelima seksualnog uznemiravanja i uznemiravanja na osnovu spola na način da će osigurati radnu sredinu bez seksualnog uznemiravanja na osnovu spola za sve uposlene.
- (2) U cilju prevencije i sprječavanja radne sredine bez bilo koje vrste uznemiravanja Ministarstvo civilnih poslova Bosne i Hercegovine će preduzeti efikasne mjere u skladu sa propisanim relevantnim zakonskim i podzakonskim okvirom koji tretira isto.

Član 2.
(Imenovanje savjetnika/savjetnice)

- (1) Ministarstvo civilnih poslova Bosne i Hercegovine će posebnim rješenjem imenovati savjetnika/savjetnicu za prevenciju seksualnog uznemiravanja i uznemiravanja na osnovu spola.
- (2) Imenovani savjetnik/savjetnica će zaposlenim pružati podršku i neophodne informacije o relevantnim zakonskim i podzakonskim aktima u smislu ostvarivanja zaštite od seksualnog uznemiravanja i uznemiravanja na osnovu spola.

Član 3.
(Stupanje na snagu)


Ova Odluka stupa na snagu danom donošenja.

Obrazloženje

Vijeće ministara Bosne i Hercegovine je na vanrednoj sjednici održanoj 15.10.2019. godine razmotrilo Informaciju o mehanizmima za efikasnu prevenciju i zaštitu od uznemiravanja na osnovi spola i seksualnog uznemiravanja na radnom mjestu u institucijama Bosne i Hercegovine sa Vodičem za poduzimanje efikasnih mjera za sprječavanje uznemiravanja na osnovi spola i seksualnog uznemiravanja na radnom mjestu u institucijama Bosne i Hercegovine, i s tim u vezi donijelo niz zaključaka, između ostalog da se zadužuju sva ministarstva i samostalne upravne organizacije da, do kraja 2020. godine, u skladu sa Vodičem za poduzimanje efikasnih mjera za sprječavanje uznemiravanja na osnovu spola i seksualnog uznemiravanja na radnom mjestu u institucijama BiH, usvoje odluku o politici nulte tolerancije prema djelima seksualnog uznemiravanja na osnovu spola. Imajući u vidu gore navedeno, odlučeno je kao u dispozitivu ove Odluke.

MINISTAR

dr.sc. Adil Osmanović



Dostavljeno:

- Naslovu;
- a/a